

# STATUTA SYNODALIA.


Venerabilium Parisiensium Episcoporum, Galonis Cardinalis, Odonis, & Vvillielmi.

*Quibus adiecta sunt, Petri & Galteri, Senonensium Archiepiscoporum Decreta, ex utriusque Prouinciali Concilio desumpta:*

*Christianissimi quoque Regis Galliarum, S. Ludouici Pragmatica Sanctio.*

Ante annos, paulò plus minus quadringētos cōstituta quidem prope omnia, sed nunc primùm tamen edita, & ad venerandæ vetustatis manuscriptorum exemplarium fidem descripta.

*Ad Venerabilem & vigilantissimum DD. Ioannem à Breda, Archydiaconum Parisiensem.*



PARISIIS,  
Apud Michaëlem Sonnum, via Iacobea,  
sub scuto Basiliensi.

1578.

|| CVM PRIVILEGIO REGIS.





VENERABILI ET VIGILANTI  
D. D. IOHANNI A BREDAParisienſi Archidiacono ,M. de la Bigne,  
Sacrae Theologiae Parisien. Doctor , in  
Chriſto gratiam & pacem.

**P**ETIS à me (Sacrum & veneran-  
lum Caput)dudum à te edita virorum  
honorum & prudentum conſilio Sy-  
nodalia ſtatuta, quæ tu in Archidia-  
conali ſpecula conſtitutus , rigide ac ſincere à com-  
miſſis tibi Curionibus obſervari cures , ut recognos-  
cam : & ſi quid in melius commutari , ſi quid no-  
uum inſtitui , vel antiquum reſtitui poſſe iudicaue-  
ro , id non diſſimulem.Feci id equidem ut potui , &  
quantum per grauiora mea ſtudia licuit mihi , ſed  
non tam citò quàm exoptaſſem.Spero tamen futu-  
rum ut tarditatem illam,huius operis dignitate abſ-  
de compenſatâ exiſtimes. Dũ enim apparare appendi-  
cem ad ſanctorum Patrum nuper editam à me  
Bibliothecã , & ex vetuſtis plures accuratiſſime per-  
ſcrutarer Bibliothecas, reperi in Bibliotheca Cano-

*nicorum Regulariū Sancti Victoris ad muros Pa-  
risienses: hæc, quæ nunc prodeunt auspicijs tuis ali-  
quot venerabilium Senonensium & Parisiensium  
Episcoporum Statuta Synodalia, quæ, nunquam ha-  
tenuis quòd sciam edita, sese, & vetustate & utili-  
tate cædidi Lectoribus, ut spero, satis commenda-  
bunt. Ea, queso, vicissim tam in bonam partem ac-  
cipe, quàm præ cæteris te æqui bonique consu-  
luisse prædicatam illam à me antè hoc quadri-  
ennium in Ecclesia Parisiensi Ecclesiasticæ discipli-  
næ reformationem, amicissimis tuis in me officijs  
agnovi. Apud tuam Parisiensis Academiæ Sor-  
borum, 13. kal. Feb. 1578.*

*Tibi ex animo deuinctissimus & obse-  
quentiss. M. de La Bigne,  
Sacræ Theologiæ Doctor.*



# IN NOMINE SANCTÆ

## TRINITATIS INCI-

piunt prohibitiones & præcepta  
obseruanda ab omnibus Sacerdo-  
tibus, data à venerabili Odone Pa-  
risiensi Episcopo.

*Synodus olim  
celebrabatur  
ex toto triduo  
idque cū ce-  
rimonis &  
precibus solē-  
nibus, quales  
fere hic de-  
scribuntur. &  
videre est  
apud Isid. ini-  
tio primi to-  
mi Conci-  
liorum. &*

De modo & tempore celebrandi Synodum.

Cap. I.

*Fit Iouis in luce Synodus quæ proxima Lucæ:  
Lux Iouis hac replicat tertia Pascha sequens.*

*Burchardū,  
ad finem Cō-  
cily Salegum-  
stadiensis.*



**I**N principio Synodi, antequam  
cantetur Veni creator spiritus:  
queratur utrū præsentēs sint Ab-  
bates & sacerdotes qui tenētur

Synodo interesse: Et hoc factō incipiat Epi-  
scopus alta voce, Veni creator: quo finito  
dicātur orationes his precibus præcedēti-  
bus, Pater noster: & ne nos, &c. Benedica-  
mus patrē, &c. Post partū, &c. Lætamini in  
domino, &c. Fiat pax, &c. Domine exau-

di orationem meam. Dominus vobiscum.  
 Oratio. Omnipotens sempiterne Deus qui  
 dedisti famulis tuis, &c. Actiones nostras  
 quæsumus domine, &c. Deus qui salutis  
 æternæ, &c. Propiciare quæsumus domine  
 nobis famulis tuis per sanctorum tuorum,  
 quorū corpora vel reliquiæ in Ecclesia præ-  
 senti requiescunt, merita gloriosa, vt eorū  
 pia intercessione ab omnibus semper pro-  
 tegamur aduersis. Infirmittatem nostram  
 quæsumus domine respice, &c. Deus à quo  
 sancta desideria, &c. Per dominum, &c.

Finitis orationibus, residebunt, & legetur  
 lectio, quā lectā fiet Sermo.

*Non omnino præter rem esse existimaui, Lector, pro  
 Synodaliū Concionum Exemplari, tibi hoc  
 loco eum exhibere qui sequitur, ante pau-  
 cos annos in Ecclesia Parisiensi habi-  
 tum Sermone.*



FIDE, NOE RESPONS O AC-  
CEPTO, DE IIS QVAE ADHVC  
non videbantur, metuens aptauit arcam  
in salutem domus suæ, per quam dam-  
nauit & mundum. *Hebr. II.*



VO D ille nescio quis apud Comicum  
Eunuchi Prologus, meo sanè iudicio  
non tam verisimiliter quàm vt sèse  
res habet, eleganter præfatur (Viri  
christianis.) Illud ipsum modo vt ex  
o ducā orōnis initiū, oportunè sèse offert mihi:

*Nullam esse dictum quod non dictum sit prius:*

*Ac proinde æquum esse vt cognoscatis, & ignoscatis,*

*Quæ veteres factitarunt, si faciam nouus:*

*Quin & detis operam; & cum silentio animaduertatis:*

*Vt pernoscat is quid vester sibi orator velit.*

ENIMVERO si vspiam occidit miseros Cram-  
be repetita magistros; id in præsentī causa ne eue-  
niat, periculum verò est mihi maximum: Quip-  
pè nō toto demū vertente anno, scilicet frequē-  
tes etiam propè singulis mensibus, aliarum atque  
aliarum Ecclesiarum synodi hīc apud nos fiunt;

cina ægritudinem, & reprehensione vitium, si aliquà ratione possit, depelli: Virtutem verò laudibus, & bonâ corporis habitudinem, educationis cura facillimè augescere. Et quidem cū doceat nos orationis huius initio propositum thema, interprete Diuo Petro, Epistolæ prioris 3. Capite, Arcam iustissimi quidē patris Noë opificium, sed Optim. & maximi Dei beneficium & inuentum, ipsam totam veluti rerum Ecclesiasticarum faciem, supra quàm ylla pictura possit aspectabilem facere: Ne frustra quòd actum, est agerē, decreui ex comparatà historià vtriusque (arcam illam diuinam & Christi Ecclesiam intelligo, Audit.) quæ rem præsentem magis attingunt, exhortationis & doctrinæ capita citra cuiusquā assentationē vel cōtumeliam, quantum licebit mihi per temporis angustias & vestrum omnium beneuolentiam, accurate recolligere. Enimuerò cū historiæ vniuersim vnusquisque facilè sentiat vim inesse tantam ac talem vt vel inuitus profiteatur præsentem esse in grauissimis animi ægritudinibus medicinam, imprimis si accedat diuinæ prouidentię religionis plena consideratio, quæ ab historia nunquam abesse debet: omniū sanè plurimū, petita è sacris monumentis exempla, & iucunditatis ad audiendum, & ad probandum authoritatis habere solent. Ac proinde vt antiquæ leges panegyricæ iubebant, eos qui in stadio spectandorum athletarum causa locū cōpissent, nudo & aperto esse capite, perinde atque si & in certamine ipsi versarentur:



Sic nos cum diluuiο pereuntē Orbē, & ligni beneficio facta tectaque Ecclesiæ principia (res planē diuinas & maximas) narrari audimus, tantopere affici commoueri que decet, atque si nostra ipsorum res ageretur: ac proinde illas non modō vt præsentes spectare, verū nostras etiam in iis veluti partes sedulo seriōque agere ac tueri. Quā in re vt nostrum vnusquisque magis ac magis officium faciat, & agnoscamus quid spiritualis ædificationis magnifica hæc diuinæ Arcæ constructio cōplectatur: vos quæso (Christianissimi Pastores) supplices illum oratione adeamus, qui solus potest (ait hoc loco Origen.) ab instrumenti veteris lectione tollere velamen: pro vestra verò pietate ac religione vt cōsueuistis, orationi meæ auxilium præsens è cælo supplicibus animis exoraturū, mecum angelico elogio Virginem salutate, *Aue Maria gratia plena, &c.*

SACRÆ Philosophiæ diuina monumēta cōsideratib<sup>9</sup> statim in ipso limine occurrit (Christianiss. Pastores, & Patres optimi) genus humanū prima ipsa sua ætate in Abelis & Cayni, vnā scilicet religiosorum, & alteram sine fide, sine pietate hominum duas familias, vel vt diuus Augustinus præclare appellat, duas Ciuitates discesse: Non dubium quin ita contrarias in partes abductis & affectis animis, vt vtraque parente suo gloriaretur, cū in ipsis etiā Ecclesiæ incunabulis adoleuerint aliquando Caiani qui se patre Cayno quem virtus fortior Eux implexa genuisset, prognatos, Sodomitarum verò, Esau,

Core, Datham, Abyron, & Iudæ cognatos esse gloriabantur, vt meminit Epiph.

*1. Lib. To. 3.  
Hares. 38.*

Ac pietas quidē initio tum quòd parce ac dū-  
riter viueret, tum quòd diu noctūque hostes  
iuratos haberet qui à religione patriā descie-  
rant, acerrime oppugnata fortissime sese partē-  
que suas tuebatur, quoad mundi ætate vixdum  
septima, capti formæ venustate & cantu, paterna  
maledictiōe adulterarū Caynidarū (ait Theodo-  
retus) ab ingenita parētū simplicitate in idolola-  
triā & magicas supltitiones, planè vxorii vel poti⁹  
libidinibus infani prolapsi sunt, cūmque illis cō-  
sueuissent, susceperūt ex eis gygātes, vel quòd  
ipso conceptus momēto intuitæ essent, dæmonū,  
qui iam tum in homines inualescebant, vmbras  
terram pede, cælum vertice attingentes, vt Au-  
thor est qui de testamentis duodecim Patriar-  
charum scripsit: vel ex ipsis dæmonibus quos  
immortalium nomine intellexisse Eusebiū ne-  
mini dubium esse puto. Ea tam atroci temporū  
calamitate, vt homines qui pri⁹ virtutē certatim  
exercuerant, postea duplò maiori studio mali-  
tiam confectarentur, fiduciāque roboris, as-  
pernati fas & ius omne, bellum indicerent Nu-  
mini, vel potius pietati & virtuti, vt in-  
terpretatur Euseb. VNVS omniū Noë, græcis Ina-  
chus, latinis Ianus, eorum flagitia indigne fe-  
rens, vt vitam in melius commutarent conti-  
nenter adhortabatur. verūm, cūm illos dicto non  
audientes videret, veritus ne se familiāque suā  
occidione occiderēt, secessum potius quā sedi-

*Euangelii  
ca Prap  
Lib. 7.  
Cap. 3.*

tionem parare in animo habebat cū delectatus  
viti optimi iustitia Dominus Deus, & oraculo  
præscripsit illi salutis rationem, & illius ætatis  
hominibus malitiæ extremæ damnatis non abro-  
gavit quidem vitæ longævitatē ut putant ple-  
rique, sed in vicesimum supra centesimum an-  
num, pœnam indixit: nisi relipiscerent maturè,  
& in rectam redirent viam. At nihilo effecti me-  
liores, miserrimè perierūt: Iustus verò mūdo ma-  
gis quā sibi natus, per casus varios per mille re-  
rū discrimina diluvio quidem superstes, sed  
tam multa perpeffus, & cōfectus malis, ut si quis  
benè subductis omnibus, quam ille in arca vixit  
vitam secum animo reputaverit, obstupescat.  
Isthic enim clausus ut ergastulo, nec aërem spi-  
rabat, nec cælum intuebatur. Quibus verò de-  
libutus vnguentis, & tantæ animātium colluviō-  
nis, & vndique narib<sup>9</sup> illius imminētis bituminis  
tam tetrū odorem, & æquoris irati nauseam to-  
to anno pertulit? Qua arte oculorum iacturam  
effugit in tantis tenebris, tam effusè illachryma-  
tus ob huius Vniuersi excidionem, vel ex pietate  
quæ viris bonis multa inesse solet, vel ex eo  
quòd cū homo esset, humani aliquid alienū fuis-  
se ab illo non est putandum? Qua arte arcam il-  
lam suam inter atrocissimas tempestates, & tam  
vasta pelagi spatia regebat, sic prudēter & fæli-  
citer, ut aquarum vi tanta, neque iacturam coa-  
ctus, neque naufragium faceret miser? non enim  
ausit dixisse quispiam, nondum illi præeunte  
à tam multis ætatibus fide digni testis alicuius

authoritate, formam habuisse nauigij, vt arte aliqua regeretur. Et quidem qui nauigant, velis & remis vtuntur nautæ, alij scandunt malos, alij per foros curfant, alij sentinam exhauriunt, gubernator omnium sapientissimus clauum tenens, in puppi sedet quietus, fluctuūmc ue insaniam, vt machera Gordium nodum astutē discindit: Vectores interea enecātur metu, scēque digito vno minus a fati faucibus abesse icti sapiūt, attoniti exclamant, ea demū vna re sibi dimidio pl<sup>o</sup> reuixisse visi, si altissimorū quorūcūque mōtiū vel summa cacumina, vel procul fumantiū villarum culmina, eminus licuerit prospexisse: At noster hic non arca illa sua iucunde magis quā sepulchro conclusus, nihil quod præsente ex animo ægritudinē vel tantisper leuaret, nihil quod illum meliora iuberet sperare, sed exanimatas metu quatuor mulierculas collachrymātibus tribus liberis: denique plena pauoris, luctus, & calamitatis, plena desperationis omnia. Quæ difficultatum capita si liceret singula ad nostri sensus amussim explorare, quinam locus tot animalium, suis veluti oculis generatim reconditorum, capax fuit? quippē si ad geometricos Origenis cubitos recurras, duobus vel amplius milliaribus longam arcam illam fuisse colligitur, quod vix simile est vero: quod si populariter illam metitur Moses, in iis angustiis vbi repositi comœatus qui in integrū annum essent fatis? Quodque omniū difficillimū intellectu arbitror, vnde aqua ad explendam sitim? vel si abunde suppete-

ficationibus isthic latere: tam multiplicia etenim rei gesta signa ad Ecclesiæ Christianæ Prophetiam non pertinere, nisi fuerit contentiosus, nemo permittitur opinari, quippè gentiles ita iam totam impleuerunt Ecclesiam (ait ille) mūdique & immūdi quoad finem ad extremum & certum perueniatur, sic vnitatis illius quadam veluti cōpagine continētur, vt ex hoc vno quod manifestissimū est, etiam de cæteris quæ aliquātò obscurius dicta sunt, & difficilius agnosci queunt, dubitari fas non sit: Hactenus Augustinus. cui quod accedant partim ætate anteriores, partim posteriores omnes omnium veterum sententiæ, qualis illa est diui Cypriani, epistola, 74. Pompeio fratri, de baptismo hæreticorū: 75, ad Firmilianū, eiusdem argumenti cōtra Stephani epistolam, tum & libro de Spiritu sancto, & in Epistola ad Nouatum, & libro de Ecclesiæ vnitatē: vnus in præsentia nobis futurus est satis Abbas Ioa- chim qui ecclesię Christianæ mysteria, ex diuinę arcæ illius arcanis edoceat. Arcam Noë esse matrē Ecclesiam, catholicis omnibus notū est, (ait ille di. 2. 2. lib. de concordia vet. & noui testamēti) ea præcipitur fieri de lignis leuigatis, quia leues esse debent à seculi oneribus, qui tam innumera hominum genera seruaturi sunt à dilu- uio: varias habet mansiunculas pro speciebus animantium diuersis, coniunctis tamē quantum ad arcæ vnitatē, plures enim sunt electorum ordines in vno Ecclesiæ corpore & vna Christi fi- de, vniti pacis vinculo & iuncti charitatis bi-

rumine, tam intrinsecus quā extrinsecus, interioris quippè hominis affectus exteriori proditur, alioqui euanesceit: animatiū pars lōgè maxima iustè damnata, minor misericorditer saluata: & Abbas quidem hæctenus. Ille verò si vestrā audiendī sitim fortè nondam expleuit, cætera perstringam paucis: Ac primum quidem & arcæ illius opifex Noë, à salute futura habuit nomen: Christianæ verò Ecclesiæ fundamentum, lapis angularis, Architectus, denique omnia Christus Iesus quia saluum esset facturus populum suum à peccatis, eorum diuino responso nomen istud suum saluatoris assequutus legitur. Mat. i. quòd multis etiā antè illum ætatibus imperāte Salomone Abdias Prophetico spiritu sacerdotibus cum Christo in Ecclesia regnaturis fecerat commune. Noë non nisi responso accepto, arcā manu & lingua ædificauit. Sic & Christus non clarificauit semetipsum vt fieret pontifex sed qui loquutus est ad eum, Nec quisquam in Ecclesia Christiana sumit sibi honorem, sed qui vocatur à Deo tanquam Aaron. VTERQUE ad sui ædificiū structurā adsciuit plures cooperarios, ille quidem ex impotētia tres liberos, ac præterea magnum operarum numerū, quem inundantibus diluuij crudelissimis fluctibus nihil tum illos iuuante quòd arcam salutarē, vel mercede vel ridentes ædificauerant, interneccione deleuit arcæ contemptæ vltrix Nemesis: Christus quoque ex beneuolētia plures veritatis cooperarios. Sic enim illū sequutus diuus Iohannes loquitur epistola 3. primum

Aposto-

Apostolos, deinde aliquos alios ad septuaginta, postremò autem plures Prophetas, Euangelistas, Doctores, & Pastores, in ædificationem corporis Christi, quod est Ecclesia, vt iam non simus paruuli fluctuantes, & circumferamur omni vento doctrinæ. Et quidem illorum ex ordine primus Iudas, quin & plurimi illi qui extremo die Christo dicturi sunt, Domine, Domine, nonne in nomine tuo prophetauimus, (qui autem prophetat, dei Ecclesiam ædificat) & in nomine tuo dæmonia eiecimus, & in nomine tuo virtutes multas fecimus? Ipsi vicissim horrendum illud ac terribile à Christo responsum audituri, Amen dico vobis, nescio vos: Annò existimandi sunt naufragium circa fidem fecisse (sic enim loquitur Apostolus) & longè magis, quàm diluuiò, periisse crudeliter? Admirabilis verò vtriusque arcæ structuram (priusquàm ad illius oeconomiam veniamus) paululum intueamur: Trecentorum cubitorum, ait scriptura, illius erat longitudo, quæ sacrosanctæ Trinitatis, quæ Ecclesia catholica tam religiosè profitetur, summam in vnitatem perfectionem mysterio consecrauit, ait Cyrillus Alexandrinus libr. 3. comment. in Genes. Dictum benè. quinquaginta, erat altitudo: qui numerus, Chrysostomo, Sacramentum pœnitentiæ demonstrat. Postremo autem cubitorum triginta erat latitudo, ne quis triginta annis minor tabernaculū sacrificaturus ingrederetur, quòd ea ætate ad Ægypti principatum euectus sit Ioseph (ait Origen.) nec iunior Christus ad baptismum accesserit. Iam

*Ephes. 4.**1. Cor. 14.**Mat. 10.**1. Timot. 1.**Orig., Hom. 1. 21. in Num.**Homel. 14. in Marc.**Homil. 2. in Gen.*

& illud obseruandum sedulo diuinam illam Noë  
 structuram, arcæ quidem partes omnes, sed na-  
 uigii nullos numeros habuisse: non vela, remos,  
 auchoras, non puppim, sentinam aut proram,  
 non bene institutos ad nautica negotia vel na-  
 uarchum aliquē, vel nautas: sed hominem agri-  
 colam, vomeri & ligoni cognitum magis quā pe-  
 lago, illum comitante muliercularum, libero-  
 rum, & animalium imbelli turba, in qua no-  
 strum vnicuique iam licet, illa ecclesiæ Christia-  
 næ columnia, piscatores Apostolos à Christo vt  
 Matt 10. oues in medium luporū, ad Ecclesiæ christianæ  
 structurā, emissos, sine auro, argēto; pera, tunica  
 duplici, calceamentis & virga intueri. Lupi tamē  
 licet insaniant, quantum lubet altū sapiant pro-  
 phani, & hæreticorū tempestates nauiculam huc  
 atque illuc impellant, discessurus est tamen è pu-  
 gna superior & illustris magis sanctissimus Noë,  
 quē in arcæ ipsius sede summa, assidētibus tribus  
 liberis & coniugibus confidentē, Illumque totū  
 nutu nauticum Olympum tremefacientem spe-  
 ctare, quā plenum esset humanæ fœlicitatis &  
 religionis diuinæ, intelliget statim quisquis in  
 Ecclesia Christiana inspexerit Pontificem ma-  
 iorem vel minorem cui cum diœcesanis & par-  
 rochis conueniat quā optime: quod ei pro-  
 cul dubio euenturum est, qui non iracūdus nec  
 turpis lucri cupidus, non litigiosus, non percus-  
 sor, cohabitantium ferarum patienter perferre  
 potuerit conuictū. Ita tamē vt si quis intus in Ec-  
 clesiæ arca lateat Cham, nudatum ex animi per-



turbatione patrem irridens (vt omnis improbus, aliorum lapsus, & si quid sapienti præter propositum acciderit, non solum pro sui erroris solatio accipit, verum etiam perinde atque si ipse peccata sua emendauerit, impense lætatur, ait Ambrosius) ex arca protinus in pelagus, præceps deiiciatur: ea tamen lege & conditione, vt magis procliue sit ecclesiasticæ arcæ Præfulis ingenium ad lenitatē quàm ad iracundiam, ne exulceratis animis, feræ in arca latentes illam, aliqua parte, erūpēdi animo suffodiant: Vultis dicam? Pax factam tectamque arcā Noë tuebatur, Ecclesiam quoque proculdubio seruatura, nisi nimium perditæ, sanguine Christi amplissimum illud emptum peculium dilapidauerimus. Demum arca Noë, vno minor est quā Ecclesia, quod illa quales exceperat bestias, tales emittebat, lupum lupum, vulturem vulturem, serpentem serpentem: Christi verò in Ecclesia lōge aliter se res habet: lupos enim, oues efficit: vultures & serpētes in columbas commutat (ait Chrysostomus) non permutata quidem natura, sed explosa malitia.

*Lib. de Arca & Noe. cap. 30.*

*Proöm. 1. Enarrationum in Is. prophetam.*

QVÆ, vt ministrantibus nobis in Ecclesia sua continēter exequi dignetur Opt. & Max. Deus, per Christi viscera, per sacra omnia vos obtestor, (venerandi patres) responso accepto Ecclesiæ arcam ingrediamur, supplices ab illo petamus vt animalia quàm multa in arcam adducant illi administratorii spiritus missi propter eos qui capiunt hæreditatē salutis. Semel recepta, salubriter pascamus: & fide, metuentes reprobis reseruatas

*Hebr. 1.*

die iudicii extremo pœnas in vinculis æternis, in illorū & nostrā salutē ædificemus. Sic enim mūd<sup>9</sup> ex bona nostrā cōuersatione dānatus nō habebit supplicii participes, sed nostram omniū salutē sapiēter fœlicitérque ædificauerimus in nomine Christi Iesu, cui laus honor & gloria, in secula seculorum. Amen.

*Hactenus Sermo Synodalis: Odo verò deinceps.*

Finito sermone licētiabit Episcopus laicos & scholares, & alios clericos qui non debent synodo interesse. Hoc facto legantur prœcepta Synodi. His expletis, dicātur capitula quæ sunt addenda & in fine districtè præcipiatur vt seruentur à sacerdotibus. Deinde sequuntur preces pro necessitate locorum, & personarum.

Distinctè præcipitur sacerdotibus vt ieiuni intrent synodum: in ieiunio enim debet fieri & oratione.

[Distinctè præcipitur vt induti albis & stolis intrent sacerdotes Synodū illam quæ celebratur tempore paschali: illam verò quæ fit Septēbri superpellicijs tantum & stolis.

Prohibetur sacerdotibus ne causas adducant ad synodū aut aliqua negotia quæ non pertinet ad quosdā, & ne sibi tunc \* minuantur, cū debēt Synodo interesse prohibetur.

\* Venam aperiri facias  
quispiam ad  
sanguinē e-  
liciedū præ  
texta mor-  
bi ut foris  
crimina ali-  
cuius consc:  
absens Sy-  
nodo, conu-  
macia non  
damnetur.

[Præcipitur districtius vt omnes presbyteri, maxime curam animarum habentes veniant ad synodum:& si graui infirmitate detenti, aut alia necessitate ineuitabili venire non potuerint, suum capellanum mittant aut clericum loco suo.

[Præcipitur vt in eundo & redeundo à Synodo, honestè ambulent presbyteri, & honesta quærant hospitia, vt in eis circumspèctè se habeât, ne status clericorum veratur in contemptum & opprobrium populo. Præcipimus in virtute Domini nostri & dei, & obedientiæ, vt honor maximus & reuerentia debita singulis sacramentis sanctæ ecclesiæ præcipuè à sacerdotibus & clericis exhibeantur & vt laici similiter exhibeant in quantum sacerdotes moneant eos & exhortentur.

*Capitula baptismum tangentia.*

Baptismus cum reuerentia & honore celebratur & cum magna cautela sub hac forma. N. Ego batizo te, in nomine patris & filij & spiritus sancti. & caueat maxime in distinctione verborû & in prolatione, in quibus tota virtus cōsistit sacramenti & salus puerorum: s. N, Ego baptizo te in nomine Patris & Filij & Spiritus sancti. Et in

Romano sub eadem forma doceant frequenter sacerdotes, laicos baptizare debere pueros in necessitate: patrem etiam & matrem, in summa necessitate. & post inundationem ea facient sacerdotes pueris, quæ solent fieri post immersionem.

2 Pro baptismo nihil oïno ante exigatur: sed post, laudabilis cōsuetudo exigì potest.

3 Fontes sub sera clausi custodiãtur propter sortilegia. Chrisma similiter & sacrum oleum sub claue seruetur.

4 Semper sacerdos interroget laicum diligenter, cum in necessitate baptizauerit puerum, quid dixerit & quid fecerit. Et si inuenit laicum discretè & modo debito baptizasse, & formam verborum in Romano integre protulisse, approbet factum: si autem, baptizet puerum modo debito. Et hic est modus: Petre si es baptizatus nõ te rebaptizo, si non es baptizatus ego baptizo te, &c.

5 [Ad eleuandum paruū de fonte, tres ad plus recipiantur, q̃ enim amplius est, à malo est.

*Capitula de sacramento Confirmationis.*

1 Sacerdotes frequenter moneant populum ad Confirmationem puerorum.

2 Post baptismum debet suscipi sacramentum Confirmationis.

[Quod si confirmandus adultus fuerit, 3  
confiteatur prius, & post ea confirmetur.  
Sæpe dicatur laicis ne expectēt diu, ad cōfir- 4  
mandū pueros, aduentū Episcopi: sed ducāt  
eos ad eum nisi adesse audierint prope: &  
quod possint nomina mutari pueris si ve-  
lint in Cōfirmatione, aut si visum fuerit ex-  
pedire. [ Nullus sacerdos confirmare aut 5  
consecrare virgines presumpserit: solius E-  
piscopi est confirmare, Virgines conse-  
crare, Ecclesias dedicare, Ordines dare.

*Capitula de Sacram. altaris.*

Svmma reuerentia & honor maximus sa- 1  
cris altaribus exhibeatur, & maximè vbi  
sacrosanctum Corpus Domini reseruatur,  
& Missa celebratur. [ Linteamina altaris & 2  
indumenta sæpe abluantur, ad reuerentiā  
& præsentiam saluatoris nostri, & totius cu-  
riæ cælestis quæ cum eo præsens adest quo-  
tiens Missa celebratur. [ Calices quibus in- 3  
firmi communicantur, decorentur & mūdi  
custodiantur, vt deuotius communicēt in-  
firmi. [ Ampululæ vini & aquæ in ministe- 4  
rio altaris mūdæ & integræ habeantur: simi-  
liter ampululæ Chrismatis & olei sancti.  
Non permittant presbyteri, diacones (cō-  
minatur Episcopus eis qui hoc non seruāt) 5

deferre infirmis sacrosanctum Corpus Domini, nisi in necessitate cū sacerdos absens fuerit : sed semper sacerdos cum magna reuerentia & maturitate *deferat* In pixide eburnea bene clausa, propter casum, & cum lucerna præcedere, cantantes \* septem psalmos pœnitentiales cum letania pro infirmo, cūdo & redeūdo: si longa via fuerit, addāt quindecim psalmos, & alias orationes: si enim debitū persoluūt infirmo, & audiētes inuitant ad exhibendam Deo reuerentiam & honorē, & orationem. [Frequenter moneantur laici, vt vbicunque viderint deferre corpus Domini, vt statim genua flectant, tanquam Domino & Creatori suo, & iūctis manibus quoadusq; trāsierit orēt. [In pulchriori parte altaris cū sūma diligētia & honestate, sub claue sacrosāctū corpus Domini custodiatur. [Nulli Clerico permittatur seruire altari male ornato, seruato in maiori Ecclesia, vt nisi in superlicio aut cappa clausa. [Nullus bis in die Missā audeat celebrare, aut cū duplici introitu, nisi in magna necessitate. [Nullus antequam matutinas dixerit canonicas, & Primam, presumat aliqua necessitate celebrare Missam. [Ad horas beatę Virginis, semper tertius versus dicatur, capitulo vt obseruat H. S. *Maria ma-*

\* Sacerdos  
intelligit cū  
comite Cle-  
rico, & a-  
lijs quot-  
quot ade-  
runt.

6

7

8

9

10

11

ter gratiæ, & cantentur in Ecclesia cum nota & deuotione, vel in regendo ac caluēdo.

*Capitula de Confessione.*

Sacerdotes circa confessionem maximā<sup>1</sup> curam adhibeant & cautellam: scilicet, vt diligenter peccata inquirant: vsitata, sigillatim: inusitata, non nisi à lōgē per aliquam circumstātiā, sic tamen vt ex peccatis detur materia confitendi. [Ad audiendum<sup>2</sup> confessiones, communio rem locum in Ecclesia sibi eligant sacerdotes, vt communiter ab omnibus videri possint: & in locis abditis, aut extra Ecclesiam nullus recipiat confessiones, nisi in magna necessitate vel infirmitate. [In confessione habeat sacerdos<sup>3</sup> vultum humilem, & oculos ad terram, nec aspiciat vultum confitentis (maxime mulieris) causa debitæ honestatis, & patienter audiat quæ dixerit, in spiritu lenitatis, & ei pro posse suo pluribus modis persuadeat. vt confiteatur integrè: aliter enim dicat ei nihil valere.

*Incestum faciens, deslorans, aut homicida  
Pontificem quæras: Papam, si miseris ignem,  
Sacrilegus, patris percussor, vel Sodomita,  
Si percussisti clericum, Simon ve fuisi.*

Sacerdotes maiora reseruent maioribus,

in confessionibus<sup>1</sup>, sicut homicidia, sacrilegia, peccata contra naturam, incestum, & stupra virginum: iniectiones manuum in parentes, vota fracta, & huiusmodi.

- 6 [Sunt tria in quibus nullus habet potestatem absoluendi, nisi dominus Papa vel eius vicarius, nisi in necessitate: scilicet in iniectione manuum in clericos, vel quosuis religiosos, in incendio, per quam sententiam sunt vocati Simoniaci: nihilominus tamen
- 7 talium rei, remittendi ad Episcopum. [In dubijs semper Confessor consulat Episcopum aut sapientes viros, nisi ex necessitate, quorum consilio certificatus, soluat securius aut liget, maxime praelatos suos.\* [Audita confessione, semper Confessor interroget confitentem si velit abstinere ab omni mortali: aliter verò non absoluat eum, nec iniungat ei poenitentiam, ne inde confidat, sed moneat ut iterum faciat quicquid boni poterit, ut Deus cor illius illustret ad
- 9 poenitentiam. [In iniungendis parvis poenitentijs sibi caueant sacerdotes, secundum enim qualitatem culpæ & possibilitatem confitētis debet esse qualitas poenitentiae, alioquin quod minus est requiretur ab eis.

\* videlicet  
consulat.

- 10 Cum furto raptus, cum scenore Symones actus,



*De sic possessis, eleemosina non fit ab ipsis.*

In furto, rapina, usura, fraude sibi valde <sup>11</sup>  
caueant sacerdotes: non alias iniungant pœ-  
nitentias, scilicet Missarum, eleemosina-  
rum, & huiusmodi priusquam reddiderint:  
non enim tale dimittitur peccatum, nisi re-  
stituatur ablatum. [ Nullus Missas quas in- <sup>12</sup>  
iunxerit celebret, nec tricenarium nec  
annuale, & pro minus nullus triennale &  
quinquennale. [ Frequenter presbyteri mo- <sup>13</sup>  
neant ad confessionem, & præcipuè ab ini-  
tio Quadragesimæ instâter præcipiant ve-  
nire generaliter ad confessionem. [ In confes- <sup>14</sup>  
sione, caueât sibi Confessores, ne inquirent  
nomina personarum cum quibus peccaue-  
rint confitentes, sed circumstantias tantum  
& qualitates: & si confitens indicauerit, ar-  
guat eum Confessor, & secretum illud te-  
neat sicut confitentis peccatum. [ Nullus <sup>15</sup>  
ira, vel odio, vel etiam metu mortis in ali-  
quo audeat reuelare cōfessionem signo vel  
verbo ullis, generaliter vel specialiter: vt di-  
cêdo, Ego scio quales estis. Et si reuelauerit,  
absq; misericordia debet degradari. [ Om- <sup>16</sup>  
nes præcipiant instituta ieiunia seruari, vt  
ieiunium Quadragesimæ, quatuor tempo-  
rum, vigiliarum, nisi ex magna & rationa-

bili causa contra fiat, & sextæ feriæ: ex debito enim tenentur facere talia ieiunia.

*Capitula circa matrimonium.*

Cap. 1.

Matrimonium cum honore & reuerentia celebretur, nec cum risu & ioco, nec cõtemnatur, etiamsi secūdæ & tertiæ fiant: & antequam fiat, semper tribus Dominicis aut tribus festiuis diebus æquè distantibus quasi tribus edictis, perquirat sacerdos à populo, sub pœna excommunicationis, de legitimitate sponsi & sponsæ qui debent coniungi, & ante fidem datam de contrahendo matrimonio: & ante hæc tria edicta, nullus audeat aliquo modo matrimonia celebrare. [Prohibeant firmiter laicis, per excõmunicationem, sortilegia fieri: malefici quoque, & celantes consanguinitatem, & alia impedimēta matrimonij, votum, ordinem, consanguinitatem, affinitatem, disparem cultum, compaternitatem, quæ tantum quatuor à matrimonio excludit personas: compatrem, commatrem, filiolum, & fratrem & sororem spirituales, scilicet filium vel filiam patrini.\* [Nullus sacerdos audeat perficere matrimonium in casu dubio, inconsulto Episcopo, sed ad eum semper referat omnes matrimonij dubietates,

\* *Hic deest*  
Excom-  
municati  
publicẽ-  
tur.

si opus fuerit. [Prohibetur districtè sub pœ-  
 na suspensionis, ne vllus sacerdos aut cape-  
 lanus exigit aliquid ante benedictionem  
 nuptialem, siue pro testimonio ferèdo, siue  
 pro matrimonio celebrādo, occasione fer-  
 culorum quæ debentur pro nuptijs: cele-  
 brato autem matrimouio, recipiat fercula  
 sua, & exigit si necesse fuerit, sicuti consue-  
 tum est. [Prohibeat sacerdos in Ecclesia, &  
 publicè, sub excommunicatione, nè alter  
 coniugum transeat ad religionem, aut reci-  
 piatur nisi per Episcopum.

*De sacramento Extremæ Onctionis.*

Cum reuerentia deferatur oleum sanctū *Cap. 1.*  
 ad infirmos, & eos vngant sacerdotes cum  
 magno honore, & orationum celebritate  
 quæ ad hoc sunt ordinatæ, & nihil inde pe-  
 nitus exigatur, siue à paupere, siue à diuite.  
 Sed si quid gratis datum fuerit, gratis acci-  
 piant. Ad sacramētum Extremæ Onctionis  
 moneant populum Sacerdotes, non tātum  
 diuites & senes, sed pauperes & iuuenes  
 omnes, à tempore discretionis, maximè à  
 quatuordecim annis & supra, & ad omnes  
 communiter vt se paratos exhibeant cū  
 necesse fuerit. Doceant frequenter popu-  
 lum huiusmodi sacramentum licitè iterari,

<sup>2</sup>  
*\* Infirmi  
 quomodo  
 visitandi &  
 admonendi  
 sint. Vile  
 Conc. Nā-  
 nct. cap. 4.  
 Cap. 3.*

& sæpè recipi, scilicet in qualibet magna infirmitate vnde metus est mortis: & post susceptum, licitè reuerti ad opus coniugale, cum qui conualuerit de infirmitate.

4 Librum qui dicitur Manualis, habeant singuli sacerdotes parrochiales, vbi continetur ordo seruitij Extremæ Vnctionis, Catechismi, Baptismi, & huiusmodi.

5 [Habeât singuli canones pœnitētiales, & ordinariū Officiorū Ecclesiæ, secūdū vsum & modum qui seruatur in Ecclesia maiori.

6 Moneantur sacerdotes ne testamenta sua ordinent per manum laicalem, & ipsi frequenter prohibeant laicis ne sua testamenta faciant sine præsentia sacerdotis, dicat, Episcopus quod non faciant eis in vnū.  
*Locus hic corruptus est, & deest quidpiam.*

*Hic incipiunt communia præcepta  
Synodalia.*

*Cas. .*

**P**Ræcipitur Sacerdotibus, vt omnes reditus & possessiones Ecclesiæ scribant in Missalibus suis, & prohibetur penitus presbyteris & parrochianis, ne de his quæ sunt Ecclesiæ aut presbyteri, alienent ab Ecclesia, nisi per consilium Episcopi.

1 Prohibetur districte, ne pro interragio corpus sepeliri differatur, sed post sepultu-

ram exigant laudabiles consuetudines:  
Idem dicimus de similibus.

Quicumque reædificauerit in cimiterio;  
excommunicetur, si principalis pars domus  
per se cæciderit.

Tribus diebus continuis vocetur excom- 4  
municandus, & nisi ad iustitiam se obtulerit,  
& fidem dederit quod veniet ad diem  
sibi assignatam, ac diem aduersario nuncia-  
uerit, excommunicetur: & excommunica-  
tus nullo modo absoluator, nisi à maiori,  
præterquã in articulo mortis, & tunc tamen  
data cautione, quod stabit iudicio Ecclesiæ.

Presbyteri super citationibus faciendis, 5  
credant his qui dederint fidem: sed super  
excōmunicationibus faciendis non credāt  
sine literis. Sentētias audacter ferant, latas  
distriktè seruent, vt citius, quam senten-  
tiæ deficiant, nemini parcentes, aut timore  
aut amore, nec pro absolutis eos habeant,  
nisi eis bene constiterit.

Mortuæ in partu, scindantur si infans cre- 6  
datur viuere: tamen si bene constiterit de  
morte earum.

Sacerdotes audito parrochianorum suo- 7  
rum obitu, statim absoluant eos cum psal-  
mis pro defunctis, & collecta.

- 8 Item inhihetur ne faciant designationes Ecclesiarum in manu Abbatum, vel quorumlibet patronorum, sed in manu Episcopi vel praelati sui.
  - 9 Non permittantur prædicatores super arcas celebrare, nec pulsare campanas per vicos, nec loqui in Ecclesijs, nec præsentare reliquias, sed tantum deferant ferenda, & sacerdotes pro illis loquantur.
  - 10 Exhortentur populum semper presbyteri ad dicendam orationem Dominicam, & Credo in Deum, & Salutationem beatæ Virginis.
  - 11 Moneant semper populum, & maximè mulieres, nè faciant vota sua nisi cum magna deliberatione, & assensu virorum, & consilio Sacerdotum.
  - 12 Nullus Sacerdos vel Capellanus teneat in domo sua aliqua occasione mulierem, nisi sit mater aut soror, aut talis de qua visum sit Episcopo, quod careat omni suspitione inhonestæ.
- Prohibetur penitus vniuersis Sacerdotibus ludere cum decijs, & interesse spectaculis vel choreis assistere, & intrare tabernas causa potandi & sine amictu, scilicet Cappa vel palio vel superliceo & comite clerico,

clerico vel laico intrare domos alienas, aut <sup>13</sup>  
discurrere per vicos & plateas: & nè habeāt  
cappas alatas & vestes inordinatas, omnino  
prohibetur.

Nullus clericus vel regularis accipiat de- <sup>14</sup>  
cimam de manu laici, nisi per manum Epi-  
scopi.

Nullus clericus fide iubeat Iudæo vel fœ- <sup>15</sup>  
neratori, nec obliget pro pignore aliquo  
modo, ornamenta Ecclesiæ vel libros, Iu-  
dæo.

Nullus recipiatur ad prædicandum, nisi <sup>16</sup>  
sit authentica persona, vel ab Episcopo vel  
Archidiacono missus.

Nullus clericus faciat iusiurandum an- <sup>17</sup>  
tequam fuerit Episcopo præsentatus.

Frequenter moneantur laici, vt non reti- <sup>18</sup>  
neant decimas quas in periculum anima-  
rum suarum detinent.

Nullus clericus potest sibi retinere deci- <sup>19</sup>  
mas iure hæreditario possessas, sed autori-  
tate Episcopi possunt clerici fructus reci-  
pere, ita tamen quod semper laborent, &  
quod ad Ecclesiam reuertantur.

Die Dominica præcedenti Synodum sa- <sup>20</sup>  
cerdotes qui capellanos non habent in suis  
parrochijs, semper inquirent publicè in Ec-

clesia si qui sint infirmi in parrochia, & tertia sequenti die visitent eos si aliqui fuerint infirmi, etiam nō requisiti, & faciant quicquid fuerit ad salutem animorum, nè mora quā facturi sunt in Synodo, fiat occasio periculi: eorum nihilominus tamē etiā saluti procurantes prouisionem quā solent facere per Capellanos vicinos qui remanent & Diaconos proprios.

- 21 Sacerdotes die octauo semper renouent sacramenta ad fontem benedictum, oleo & crismate, & sanctam Eucharistiam, nè vetustate aliqui ad indeuotionem moueri valeant aut errorem.
- 22 Si negligentia euenerit, vt perlecto Canone & peracta consecratione, nec vinum nec aqua reperiatur in calice, debet statim infundi vtrumque; & sacerdos reiterabit consecrationem ab illo loco canonis, *Simili modo posteaquam cœnatum est*, vsque ad finem: ita tamē vt illas duas cruces obmittat, quas singulariter fecit super panem. Quod si de simplice vino, vel de aqua sine vino fiat consecratio, vinum reputatur pro sacramento, sed aqua non reputatur: & ideo ista negligentia de aqua posita sine vino, maior & maiori pœnitentia emendāda est.



Si quid ceciderit de sanguine Domini <sup>23</sup>  
super corporale, rescindédū est ipsum cor-  
porale, & in loco reliquiarum obseruan-  
dū: si pala altaris inde tincta fuerit, rescin-  
denda pars illa, & pro reliquijs seruanda. Si  
super infulā, casulam, vel super albam de-  
currat, similiter fiat. Si super quodlibet  
vestimentum, comburenda est pars illa, &  
pulis in sacrarium reponendus est: si verò  
in terram ceciderit, lingenda est terra: si in  
ipsum sanguinem musca vel aranea, vel ali-  
quid tale ceciderit, quia non sine vomitu  
& periculo corporis \*, est tergendus, & ra- <sup>\*Deest,</sup>  
dendus locus ipse siue lapis siue lignum, si- <sup>lingi po-</sup>  
ue terra, & pulvis in sacrario reponendus. <sup>test.</sup>

Porro si in ipsum sanguinem, musca vel <sup>24</sup>  
aranea, vel aliquid tale ceciderit, quia non  
sine vomitu & periculo corporis aliquando  
sumi potest, igne cremandū est, & tunc san-  
guis Domini sumatur, illud tamen quod  
intus ceciderit, prius debet in calice vino  
perfundi, & quātò cautius fieri poterit ab-  
lui, & postea super piscinam comburi, & il-  
lam ablutionem Sacerdos sumat: quod si  
de corpore Domini super pallam altaris a-  
liquid ceciderit, vel super quodlibet aliud  
vestimentum, non incidatur, sed vino ab-

luatur, & à ministro sumatur vinum ipsum: quod si in primo datum reijcitur, pro vt diligentius poterit, recipiat, & coniunctum cum vino in calice sumatur, sed integrum sumi non potest, eo quod ore alterius proiectum est.

- 25 Reus autem huius negligētiæ, & qui cum eo particeps fuerit culpæ, competenti subiaceat disciplinæ: si autem supralignum vel lapidem ceciderit, modus supra dictus de sanguine Domini, tenendus est.
- 26 Prohibetur sacerdotibus, ne nimis festinent venire Parisius occasione Synodi, & ne magnam faciant morā sese visitando & reficiendo tam in via quàm in ciuitate: quidā enim iter arripiūt à præcedenti Dominica, vel à die lunæ summo mane, & moram faciunt vsque ad sequentem Dominicā, & magnū imminet periculum salutis animarū.
- 27 Distinctè precipitur, vt quilibet Sacerdos habeat in celebratione Missæ, propter munditiam vestimentorum circa, altare, vnum manutergium.
- 28 Præcipitur presbyteris, vt cum in Canone Missæ inceperint, *qui pridie* tenentes hostiam, ne eleuent eam statim nimis altè, ita quod possit videri à populo, sed quasi ante

pectus detineant, donec dixerint, *Hoc est Corpus meum* : & tunc eleuent eam vt possit ab omnibus videri:& post talem susceptionem tam Corporis quam Sanguinis,& vini puri,aliquantum ab expuendo abstineant:& si abstinere non possunt,in piscinam hoc faciât suauiter & vrbane:vinum autem potius rubeum ministretur in calice, propter similitudinem albi vini cum aqua.

Prohibetur districtè sacerdotibus, ne habeant<sup>29</sup> secum prolem quam in sacro ordine susceperint propter scâdalum : & ne in suis domibus habeât fachs & aleas vel decios, omnino prohibetur.

Prohibetur districtè sacerdotibus, ne accipiant<sup>30</sup> gageras vel admodiationes, nisi de decimis, quoniam esset species negotiationis:& ne habeât in paliis suis pecias nisi blavi vel nigri coloris.

Similiter præcipitur præbysteris, quod<sup>31</sup> immobilia de bonis Ecclesiæ acquisita Ecclesiis suis tantûmodo legent (nam de iure aliud facere non possunt) de mobilibus verò suis,rationabile faciant legatum.

Item præcipitur Sacerdotibus, vt frequenter<sup>32</sup> Dominicis diebus & alijs festiuis diebus,in aliqua parte Sermonis proponât

Prohibeant sacerdotes, ne fiant Choreæ, 36  
maxime in tribus locis, in Ecclesijs, in Ci-  
miterijis, & in Processionibus.

Prohibeant Sacerdotes per excommu- 37  
nicationem, & maxime tempore vinde-  
miarum singulis diebus Dominicis, ne ali-  
quis Christianus retineat apud se marchū  
vindemiarum quem Iudæi calcant, aliquo-  
modo, propter illam horribilem immūdi-  
ciam quam in contemptum Sacramēti Al-  
taris faciunt: & si remanserit, detur porcis  
vel expandant ad opus pro fimo.

Prolubeant per excōmunicationem sæ- 38  
pe, ne carnifices permittant Iudæos lania-  
re carnes suas, nisi totum detineant Iudæi.

Item distriktè præcipitur presbyteris ne 39  
hostias licet non sacratas dent pueris vl-  
lo modo, & inhibetur ne celebrent sine  
caligis.

Item prohibetur distriktè, ne Sacerdotes 40  
cultellum portent cum cuspidē, nec clerici  
eorum.

Item distriktè prohibetur Sacerdotibus, 41  
ne permittant prædicare aliquos ignotos,  
siue literatos, siue illiteratos, etiam extra  
Ecclesiam, siue in vijs siue in plateis, siue in  
alijs locis parochiæ suæ: & sæpe de Domi-

nicis diebus Sacerdotes moneant, & etiam sub pœna excommunicationis inhibeant parrochianis suis, ne tales audiant propter pericula hæreseûm, & errorum quos seminant.

- 42 Item districtè præcipitur presbyteris, quod moneant parochianos suos & parochianas, quod prouideant ecclesiæ Parisiensi, quæ multum indiget albis & stolis, & toallis, & huiusmodi.
- 43 Item moneât sollicitè & assiduè parochianos suos, vt in Albigeneses hæreticos se accingant, & iterû eandem habebunt indulgentiam quam aliâs habuerunt.
- 44 Item moneant presbyteri sub pœna excommunicationis, omnes illos qui crucem habuerunt, & votum suum non sunt profecti, quod crucem suam & proponant resumere, & portent.
- 45 Item præcipitur omnibus presbyteris, quod excommunicent in generali omnes illos qui fecerunt conspirationes contra presbyteros suos, vel contra Ecclesias suas.
- 46 Item præcipitur presbyteris, vt cum aliquis confitetur eis se fidem dedisse alicui mulieri de matrimonio contrahendo cum ea, & post fidem datam cognouit eam, non

dent ei licentiam contrahendi cum alia, quoniam sequens carnalis copula cum illa cui fidem dedit, matrimonium confirmavit.

Item districtè præcipitur presbyteris, & <sup>47</sup> sub excommunicatione, ne aliquos matrimonio clandestino coniungant vel benedicant.

Item excommunicentur omnes illi qui <sup>48</sup> facient se coniungi clandestino, aut benedici, & omnes illi qui interesse presument Sacerdotes.

Item præcipitur presbyteris, vt quotiens <sup>49</sup> dubium erit quando aliqua ieiunia vel processiones institutæ fieri debent, sicut in festo sancti Marci, petant a Decano loci, & sine eius consilio ea facere non presumant.

Item præcipitur presbyteris, vt quando <sup>50</sup> mulieres post puerperium veniunt ad purificationem, dent eis tantummodo panem benedictum, & Corpus Domini eis nullo modo propinent, nisi expressè petant, & prius confessæ fuerint.

Item moneant presbyteri parochianos <sup>51</sup> suos in Confessionibus, & in prædicationibus suis, vt saltem semel in anno, pereгри-

bent facere, quia cùm decesserint, fiet similiter pro eis.

Item districtè præcipitur presbyteris omnibus, quod excommunicent ter in anno, scilicet in Pascha, in Natiuitate Domini, & in festo Ecclesiæ, omnes illos qui scienter celant feuda Pariss. & omnes illos qui sciunt super hoc aliquid, nisi illud reuelauerint Parisiensi Episcopo, vel eius mandatario.

Item præcipimus singulis presbyteris, quod annuatim, idque in crastino sanctæ Trinitatis, Anniuersarium omnium cōfratrum beatæ Mariæ, per totam Parisiensem Diocesim celebretur.

Præcipimus vt moneatur nō Iudeis prestare rotas, secundū quod præceptū est, alioquin cōpellantur per excōmunicationem.

### *Constitutio Galonis Cardinalis.*

*De Translatione Galonis siue Vallonis à Beluacensi Episcopatu ad Parisiensem, Vide Iuonis Carnotensis Epistolam. 132. ad Paschalem. Pont. Rom.*

**I**N nomine Domini, nos Galo, miseratione diuina sanctæ Mariæ in porticu, Diaconus Cardinalis, Apostolicæ sedis Legatus, excommunicamus omnes Sacerdotes & clericos quoscunque, qui post legitimā ammonitionem, Focarias vel mulieres

alias, de quibus mala suspicio suboriri possit, in domibus proprijs vel alibi, vnde populus vel Ecclesia scandalizetur, duxerint retinendas, nisi sint clerici qui in minoribus ordinibus legitimè eōtraxisse probentur, qui cum vxoribus ecclesiastica non debent beneficia retinere. Moneantur quoque, ne matres vel vxores, alijsve coniunctas personas secum habeant: cum quibus etsi nihil sæui criminis foedus naturale existimari permittat tamen frequenter suggerente diabolo, cum talibus noscitur fuisse facinus perpetratum.

- 2 Perhibemus etiam sub eadem excommunicatione, ne sacerdotes vel clerici occasione alicuius consuetudinis, pro baptismo, sepultura, benedictione, alijsve sacramentis Ecclesiasticis, aliquid exigere vel extorquere presumant, sed ea liberaliter & sine difficultate studeant canonicè ministrare: moneantur tamen laici diligenter ne quod pro reuerentia sacramentorum deuotio fidelium introduxit, ex auaritia velint aliquatenus reuocare.

- 3 Item & prohibemus, ne Sacerdotes de cætero cappis manicatis vtantur, & constituti in sacris Ordinibus, manicas consuti-



tias, sotulares rostratos, vestésque rubri coloris habeant, districtione consimili prohibemus.

Decanis quoque, Archipresbiteris & Archidiaconibus, ne vestes rubri coloris, vel virides habere presumant: & specialiter Archidiaconibus & præpositis qui habent curam animarum, ne cappas foratas habeant manicatas.

Monachi etiam vt cappis sumptuosis & non nigris de cætero non vtantur, sub eadem pœna duximus inhibendum.

Inhibemus etiam omnibus tam clericis quam monachis sub excommunicationis vinculo ne sœnus exerceant, & ne aliquam negotiationẽ exerceant inhonestam, prohibentur indistincte.

Vt autem ab omnibus in tonsura, habitu & conuersatione, honestas ecclesiastica conseruetur, districtè præcipimus vniuersis Prælatiis, sub attestatione diuini iudicij, firmiter iniungentes, vt omnia supradicta obseruent: & quantum in ipsis fuerit, faciant à subditis, monitione premissa, per censuram ecclesiasticã inuiolabiliter obseruari.

Volentes autem (quantum cum Deo & honestè possumus) magistris & scolaribus

deferre eatenus ea ipsos regorē, si quis est nostræ constitutionis duximus temperandum, vt antequam periculū excommunicationis periculum incurratur, ammonitio generaliter fiat per magistros, & comminatio excommunicationis in transgressores: quibus præmissis, si qui fortè contumaces & rebelles extiterint, Iterum & nominatim sub eadem comminatione & in scholis moneantur, indulta nihilominus ad satisfaciendum dilatione competenti.

9 Quod si fortè nec taliter resipiscere voluerint, extunc per Cancellarium qui pro tempore fuerit, excōmunicati denunciētur, & tandiu ab omnibus euitentur, donec satisfecerint competenter, & ab Episcopo si fuerit præsens, vel eo absente ab Abbate sancti Viētoris, cum forma Ecclesiæ, fuerint absoluti.

10 Præcipimus autem magistris in virtute Spiritus sancti, vt prædicta omnia (excepto tamē necessitatis inexcusabilis articulo) diligentius exequantur, ne per negligentiam vel malitiam aliquorum nostræ constitutionis autoritas contemnatur.

*Explicit constitutio Galonis Cardinalis:*

*Additiones VVilielmi Parisiensis Episcopi.*

**P**Ræcipitur presbyt. vt clericos cuiuscū-<sup>1</sup>  
que sint ordinis, in parrochia sua com-  
morantes, moneant, quod tonsuram con-  
gruentem, & honestum habeant habitum  
iuxta Canones, & si alicui in hoc inobediē-  
tes vel rebelles fuerint, monitione præmis-  
sa, ab ingressu Ecclesię arceantur. Quod si  
aliquis de huiusmodi præsumptoribus tātæ  
sit potestatis, quod sine scandalo, à pres-  
bytero, prædicto modo coherceri non pos-  
sit, Episcopo nunciatur.

Prohibetur sacerdotibus ne mercata fre-<sup>2</sup>  
quentent, sed si ex aliqua causa necessaria,  
eos ad mercata ire oportuerit, in habitu  
honesto incedant, & quam breuiorem po-  
terunt, ibi moram faciant.

In mercatis, non faciant commessatio-<sup>3</sup>  
nes, nec etiam alibi.

Prohibetur sacerdotibus, ne officium ad-<sup>4</sup>  
uocationis exercere presumant, nisi fortè  
in causa Ecclesiæ suæ, vel pro miserabilibus  
personis, pupillis & viduis parochianis suis  
quibus honeste deesse non possunt, & hoc  
absque præcij receptione, præter expen-  
sas moderatas.

Presbyteri vno die Missas duas non cele-<sup>5</sup>

confitentibus, quod omnia ablata, antequam testamentum vel legata faciant, plene restituant.

Præcipitur quod presbyteri parochianos suos qui tribus Dominicis continuis se ab Ecclesia sua absentauerint sine causa iusta & necessaria, inter dicant, & ad Episcopum mittant interdictos: militibus discurrentibus defertur.

Præcipitur Sacerdotibus, quod diligentes & solliciti sint in monendo parochianos suos de eleemosynis & legatis ad fabricam Ecclesiæ beatæ Mariæ faciendis, & legata fideliter quærant, & reseruent: scribant etiam nomina eorum qui legauerint, & ad Episcopum ad Synodum afferant, & sic eis appareat qui fuerint in hoc diligentes & negligentes.

Presbyteri in Ecclesijs frequenter denuntient eos qui matrimonia clandestina contrahunt & qui eis faciendis assistunt, esse excommunicatos.

Præcipitur quod commodationes Carucarum, quæ sunt in festiuis diebus, qui-

- 14 Præcipitur quod in celebratione Missarum, quâdo Corpus Christi eleuatur, in ipsa eleuatione vel paulò ante campana pulsetur, sicut aliàs fuit statutum, vt sic mentes fidelium ad Orationem excitentur.
- 15 Presbyteri iniungant parrochianis suis, quod quando matrimonium inter aliquos erit contrahendum, illi qui debent contrahere, confiteantur, ob reuerentiam sacramenti, peccata sua presbyteris suis, priusquâ fidem præbeant de contrahendo, vel saltem antequam contrahant per verba de præsentì.
- 16 Presbyteri verò tunc solliciti sint de inquirendo, maxime super impedimentis matrimonij.

*Ex Concilio Petri Archiepiscopi  
Senonensis.*

- 1 Statuimus, vt Aduocati iurent de calumnia de cætero, in causis tam inchoatis quam inchoandis, aut non admittantur ad eas tractandas.
- 2 Si aliquis per annum & diem excommunicationem publicam sustinuerit, compellatur potestas secularis, vt excommunica-

tum ad vnitatem Ecclesiæ per suam potestatem venire compellat, mittendo manum in ipsum & res eius.

Statuimus, ne Prior, nisi conuentualis, 3  
ultra summam quadraginta solidorum ab aliquo, sine licentia Abbatis sui, vel Episcopi sui si remotus fuerit Abbas, mutuò pecuniam accipiat: quod si fortè fecerit, abijciatur à Prioratu, nec denuò valeat Prioratum adipisci, quoüsque per Cõcilium Provinciale fuerit restitutus.

Eidem pœnæ subiaceat Prior, qui quam- 4  
cunq; summam pecunię receperit à Iudæo.

Statuimus, vt Abbates, Priores, & alij Obedienciarij, de singulis prouētibus & redditibus & expensis, computent singulis annis diligenter in Capitulo. Et vt status tam Abbatiarum quam Prioratum, à Claustralibus cognoscatur, Compotus in scriptis edigatur ita quod Conuētus pœnes se retineat vnum scriptum, & Abbas aliud.

Nullus Abbas mutuò recipiat pecuniam, 6  
ne Capituli sui, vel maioris & sanioris parte Conuentüs licentia, ultra summam ab

- 7 Pręcipimus Abbatibus & alijs Religiosis, vt ipsis vestibus & calceamentis ordini suo congruētibus vtantur : Et si Abbates in his obseruandis seu corrigendis fuerint negligentes, per Episcopos suos puniantur.

*Ex Concilio Galteri Archiepiscopi  
Senonensis.*

*\* Videtur  
desse.  
Ad Syno-  
dum.* 1 Statuimus, vt Abbates & Priores cōuen-  
Stuales, qui nec venerint *\* nec se excusa-  
uerint* pretendēdo Canonicū impedimen-  
tum, per octo dies ab ingressu Ecclesię sus-  
pendantur, & pœna, quantum ad hoc Con-  
ciliis statuta est, sub comminatione maioris  
pœnę si alijs annis, supra his, culpabiles in-  
ueniantur. *\**

*\* Videtur  
desse.  
Multen-  
tur.* 2 Propter scandala grauiā quę ex Monia-  
lium conuersatione proueniunt, statuimus  
de Monialibus nigris, ne aliquem disposi-  
tum (*forte, aliquod depositum*) recipiant in  
domibus suis ab aliquibus personis, nisi  
de licentia Episcopi sui : maxime arcas ele-  
ricorum vel laicorum, custodię causa, mi-  
nime permittant apud se deponi.

3 Item communiter omnes in Refectorio  
comedant, & in dormitorio dormiant, nisi



ex causa iusta & necessaria, de licentia speciali Abbatissæ, aliter fieri permittatur. 4

Item camerę Monialium omnes destruantur, nisi aliqua quę in susceptione Episcopi necessario retineatur, vel ad Infirmariã faciendam, vel alia de causa quę Episcopo iusta & necessaria videatur.

Item quod Moniales nullatenus exire, permittantur, vel extra pernoctare, nisi ex magna causa & raro, & Abbatissis iniungatur ne aliter egredi permittantur: & si aliquando Abbatissa ex causa iusta alicui permittat, eidem iniungat quod sine mora reuertatur.

Ostia suspecta & superflua obstruantur, 6 circa hoc autem Episcopi diligentiam adhibeant & curam, per se & per ministros suos, & vitas & conuersationes ipsarum restringant, vt per eorum diligẽtiam, scandala quę in præsenti de vita earum proueniunt, sopiantur.

Statuimus, vt omnes Iudices tam ordinarij quam delegati, temperent se & refrenent à generalibus excommunicationibus, nec



- 8 Moneantur Capitula secularium personarum, maxime Cathedralia, ut ipsi conueniant & ordinent & tractent, quod in Ecclesijs suis die & nocte, per se & per clericos Ecclesiarum, diuinum seruitium assidue, competenter, secundum numerum institutorum & facultatem ecclesiarum celebretur, & circa seruitium diuinum diligentiam & curam adhibeant efficacem, ita quod modus habendi se in Ecclesia, tam in Choro quam extra, euidenter & sufficienter ubi emendatione opus erit, emendetur infra annum.
- 9 Moneantur etiam Canonici & clerici seculares, quod ipsi, in habitu suo & alijs, precepta tradita in generali Concilio, fideliter & obedienter obseruent.
- 10 Statuimus ut in locis siue Prioratibus, ubi conuentualis congregatio solet esse, si facultates illius Ecclesie suppetant, Conuentus ibidem restauretur.
- 11 Item quod in domibus siue locis ubi solebant esse Prioratus, si facultates locorum sufficiunt, Monachi vel Canonici regulares ad diuinum seruitium ibidem celebrandum, reducantur.
- 12 Monemus Abbates & Priores conuen-

tuales, quod tot seruitores in Abbatijs & Prioratibus sibi subditis instituant, si ad hoc sufficiant facultates locorum, quot ibi deseruire solent, & ne pensionem siue censum ab eisdem exigant, quam non solent exigere ab antiquo, nisi fortè alicui ex iusta causa ab Episcopo suo permittatur.

Statuimus quod Clerici ribaldi, maxime <sup>13</sup> qui vulgo dicuntur de familia Goliæ, \* per \* *Fortè vt hodie dicuntur Lusitanici, filij de Massa.* Episcopos, Archidiaconos, Officiales, & Decanos Christianitatis tonderi præcipiantur, vel etiam radi ita quod eis non remaneat tōsura clericalis, ita tamen quod sine periculo & scandalo ista fiant.

Item antiquum statutum Concilij provincialis rursus renouantes præcipimus, <sup>14</sup> quod quādo aliqua terra propter delictum domini terre vel Balliuorum supposita fuit interdicto, nullatenus relaxetur donec ad arbitrium & moderamen relaxantis, presbyteris parochialibus de damnis & de perditis Interdicti occasione illatis plenè fuerit satisfactum, vel de satisfaciendo cautum.

*S. Ludouici Galliarum Regis Christianissimi pragmatica Sanctio.*

**L**udouicus dei gratia Francorum Rex, ad perpetuâ rei memoriâ. Pro salubri ac tranquillo statu Ecclesie regni nostri nec non pro diuini cultûs augmento & Christi Fidelium animarum salute, vt que gratiam & auxilium omnipotētis Dei cuius soli ditiorini atque protectioni regnum nostrum semper subiectum extitit, & nunc esse volumus, consequi valeamus: Quæ sequuntur, hoc Edicto consultissimo in perpetuum valituro statuimus, & ordinamus.

- 1 Primò vt Ecclesiarum regni nostri, prælati, patroni, & beneficiorum collatores ordinarij, Ius suum plenarium habeât, & vnicuique sua Iurisdictionis debite seruetur.
- 2 Item Ecclesiæ cathedrales & aliæ regni nostri, liberas electiones, & earum effectum habeant.
- 3 Item Symoniæ crimen pestiferum Ecclesiam labefactans a regno nostro penitus eliminandum volumus & iubemus.
- 4 Item promotiones, collationes, prouisiones prælaturarum, dignitatum, vel alio-